

Ársuppgjör Nýherja hf. 2008

Helstu niðurstöður fyrir árið 2008

- Sala á vöru og þjónustu nam 14.650 mkr og jókst um 30% frá árinu á undan.
- Tap varð á árinu sem nemur 1.201 mkr samanborið við 420 mkr hagnað árið 2007.
- Tekjur af erlendri starfsemi námu 3.517 mkr eða 24% af heildartekjum.
- Nýtt viðskiptamódel Nýherjasamstæðunnar var innleitt á fjórða ársfjórðungi.
- Rekstrar- og hýsingarþjónusta TM Software hf. og rekstrarþjónusta Nýherja hf. sameinuð í Skyggni ehf.

Birting ársreiknings:

Samkvæmt nýjum reglum Kauphallar Íslands birtir félagið nú meginniðurstöður rekstrar og efnahags. Ársuppgjör fyrir árið 2008 var til umfjöllunar á stjórnarfundum Nýherja hf. 23. janúar 2009, en hefur samkvæmt nýjum reglum ekki verið staðfest af stjórn og endurskoðendum félagsins. Endanlegur ársreikningur 2008 verður lagður fyrir stjórn og endurskoðendur til staðfestingar þann 30. janúar og birtur þann dag. Ársuppgjórið er unnið í samræmi við alþjóðlega reikningsskilastaðla (IFRS-International Financial).

Þórður Sverrisson, forstjóri:

„Rekstur og afkoma Nýherja hf. á fjórða ársfjórðungi ber merki þeirra skyndilegu sviptinga, sem urðu í rekstrarumhverfi íslenskra fyrirtækja eftir fall bankanna í október og stórfellda lækkun á verðgildi íslensku krónunnar. Sú skyndilega breyting sem varð á rekstrarumhverfinu á Íslandi hafði umtalsverð áhrif á reksturinn og nemur tap í fjórða ársfjórðungi 507 mkr og tap á árinu er 1.201 mkr.

Nýherji greip í október til fjölbættra aðgerða til að lækka rekstrarkostnað og styrkja rekstur móðurfélagsins og dótturfélaga, svo sem með tilkynningu um að lækka laun starfsmanna um 10% frá 1. febrúar og slá á frest frekari verkefnum í hugbúnaðarþróun héraðs og erlendis. Gert er ráð fyrir að aðgerðir sem kynntar hafa verið muni leiða til yfir 600 mkr kostnaðarlækkunar í rekstri samstæðunnar á Íslandi á árinu 2009.

Rekstrarniðurstaða ársins 2008

Árið 2008 – Lykiltölur		
Upphæðir í þús ISK		
	12 mánuðir 2008	12 mánuðir 2007
Seldar vörur og þjónusta	14.650.592	11.301.427
Vörunotkun og kostnaður við selda þjónustu	(6.938.340)	(6.317.906)
Vergur hagnaður	7.712.251	4.983.521
Laun og launatengd gjöld	(5.952.442)	(3.294.902)
Rekstrarkostnaður	(1.986.355)	(1.142.192)
Rekstrarhagnaður (EBIT)	58.730	600.188
Hrein fjármagnsgjöld	(1.480.169)	(92.000)
Tap/Hagnaður fyrir tekjuskatt	(1.421.439)	508.188
Tekjuskattur	220.428	(88.258)
Hagnaður (tap) ársins	(1.201.012)	419.930
EBITDA	309.067	705.989
EBITDA hlutfall	2.1%	6.2%
Meðalfjöldi stöðugilda	731	446

Sala á vöru og þjónustu nam rúmlega 14.650 mkr á árinu 2008, samanborið við 11.301 mkr á sama tímabili árið áður. Sala hefur því aukist um 30% á milli ára. Tekjur starfseminnar á Íslandi námu 11.134 mkr, en 3.517 mkr hjá erlendum dótturfélögum.

Laun og launatengd gjöld námu rúmlega 5.952 mkr en voru rúmlega 3.294 mkr árið áður. Meðalfjöldi stöðugilda yfir árið var 731. Hækkun launa skýrist af mikilli fjölgun starfsmanna vegna kaupa á TM Software og einnig af hækkun launa erlendra starfsmanna mælt í íslenskum krónum.

Rekstrarkostnaður var 1.986 mkr á árinu, en var 1.142 mkr árið áður. Hagnaður fyrir afskriftir, fjármagnsliði og skatta - EBITDA - nam 309 mkr á tímabilinu en var 706 mkr árið áður.

Hrein fjármagnsgjöld voru 1.480 mkr í samanburði við rúmlega 92 mkr á sama tímabili árið 2007. Hækkun á fjármagnsgjöldum má rekja til 80% lækkunar krónunnar á tímabilinu og meiri skuldsetningar samstæðunnar vegna kaupa á fyrirtækjum. Tap ársins var rúmlega 1.201 mkr en hagnaður fyrir árið á undan nam 420 mkr.

Efnahagsreikningur 31.12 2008– Lykiltölur		
Upphæðir í þús ISK		
	31.12 2008	31.12. 2007
Fastafjármunir	5.577.423	2.363.717
Veltufjármunir	4.375.009	3.297.573
Eignir samtals	9.952.433	5.661.290
Eigið fé	1.963.966	1.763.961
Langtímaskuldir	2.669.106	1.180.633
Skammtímaskuldir	5.319.362	2.716.696
Eigið fé og skuldir samtals	9.952.433	5.661.290

Heildareignir í lok tímabilsins voru 9.952 mkr samanborið við 5.661 mkr í lok ársins 2007. Langtímaskuldir jukust úr 1.180 mkr í ársbyrjun í 2.669 mkr í lok ársins 2008 og skammtímaskuldir jukust úr 2.716 mkr í árslok. Eigið fé í lok desember 2008 var 1.964 mkr sem er 11% hækkun frá ársbyrjun. Hækkunina má meðal annars rekja til útgáfu á nýju hlutafé í apríl en tap frá áramótum kemur til lækkunar á eigin fé.

Rekstrarniðurstaða á fjórða ársfjórðungi 2008

Fjórðungsyfirlit – Lykiltölur		Upphæðir í þús ISK			
	F4 2008	F3 2008	F2 2008	F1 2008	F4 2007
Seldar vörur og þjónusta	3.921.110	3.600.275	3.755.771	3.373.436	3.524.707
Vörunotkun og kostnaður við selda þjónustu	(1.779.720)	(1.813.029)	(1.775.323)	(1.570.268)	(1.975.244)
Vergur hagnaður	2.141.390	1.787.246	1.980.448	1.803.168	1.549.463
Laun og launatengd gjöld	(1.607.849)	(1.425.538)	(1.550.423)	(1.368.632)	(912.601)
Rekstrarkostnaður	(789.010)	(360.989)	(448.803)	(387.553)	(486.548)
Rekstrarhagnaður - EBIT	174.533	69.625	63.589	100.051	190.172
Hrein fjármagnsgjöld	(421.875)	(389.414)	(155.031)	(513.849)	(48.680)
Hagnaður fyrir tekjuskatt	(596.437)	(319.789)	(91.442)	(413.789)	140.843
Tekjuskattur	89.577	57.930	519	72.401	(88.258)
Hagnaður (tap ársins)	(506.860)	(261.859)	-90.923	(341.397)	117.631
EBITDA	84.260	124.929	123.080	145.291	220.400
EBITDA hlutfall	(2,1%)	3,5%	3,3%	4,3%	6,3%
Meðalfjöldi stöðugilda	701	737	755	734	482

Sala á vöru og þjónustu nam rúmlega 3.921 mkr á fjórða ársfjórðungi, samanborið við 3.524 mkr á sama tímabili árið áður. Sala hefur því aukist um 11% frá fjórða ársfjórðungi 2007.

Laun og launatengd gjöld námu 1.608 mkr en voru rúmlega 913 mkr fyrir sama tímabil árið áður. Heildarfjöldi stöðugilda í lok tímabilsins var 704.

Rekstrarkostnaður var 789 mkr á fjórða ársfjórðungi en var 487 mkr á sama tíma árið áður. Hagnaður fyrir afskriftir, fjármagnsliði og skatta – EBITDA - nam 84 mkr á tímabilinu en var 220 mkr á sama tímabili árið áður.

Hrein fjármagnsgjöld voru 422 mkr í samanburði við 49 mkr á sama tíma árið áður. Tap í fjórðungnum nam 507 mkr. Hagnaður í fjórða ársfjórðungi árið 2007 nam 118 mkr.

Yfirlit yfir rekstur

Nýherjasamstæðan innleiddi nýtt viðskiptamódel á Íslandi á fjórða ársfjórðungi, þar sem meiri hluti rekstrar samstæðunnar var fluttur í sex megin dótturfélög. Nýherji verður því móðurfélag, en annast áfram sölu og vörustjórnun á tölvu- og tæknibúnaði. Öll tækni- og hugbúnaðarþjónusta og ráðgjöf fer fram í dótturfélögum. Samhliða þessu var hluti af starfsemi Nýherja fluttur að Urðarhvarfi 6 í Kópavogi, en félagið er áfram með starfsemi í Borgartúni 37.

Rekstrarafkoma Nýherjasamstæðunnar á árinu 2008 er í heild óviðunandi, þar sem EBITDA er einungis 309 mkr eða 2,1% af tekjum. Auk þess er fjármagnskostnaður verulegur, sem að stærstum hluta má rekja til 1.023 mkr gengistaps af erlendum lánum.

TM Software hf. var sameinað rekstri Nýherja hf. í byrjun febrúar. Umtalsvert tap varð af rekstri TM Software á síðari ársþelmingi sem að mestu leyti má rekja til restrarþjónustu félagsins, en hugbúnaðarstarfsemin skilaði ágætum árangri. Má þar nefna eMR ehf., sem starfar á heilbrigðissviði, og Vigor ehf., sem leggur megináherslu á viðskiptahugbúnað og reikningakerfi fyrir orkuveitur.

Á fjórða ársfjórðungi var unnið að því að sameina rekstrarþjónustu TM Software við tæknideild Nýherja undir nafni Skyggis ehf. Skyggis ehf. er nú til eitt stærsta rekstrar- og hýsingarfélag landsins með mörg sóknarfæri og tækifæri til hagræðingar í rekstri.

Hjá Nýherja var ágæt sala á IBM netþjónum, hugbúnaði, APC öryggislausnum og hjá tækniþjónustudeildum og í heild góð afkoma. Þá var sala á rekstrarvörum yfir áætlunum og sala á Rent-A-Prent lausnum hefur einnig farið vaxandi.

Sense og Linkur ehf. voru sameinuð undir nafninu Sense ehf. undir lok ársins. Sense ehf. er félag með stafrænar lausnir fyrir hljóð- og myndbúnað. Félagið rekur verslun í Hlíðarsmára Kópavogi og Sony Center í Kringlunni. Sala og uppsetning á hljóð-, mynd- og stjórnubúnaði til fyrirtækja og stofnana gekk ágætlega á árinu.

Rekstur og afkoma dótturfélaganna Applicon A/S í Danmörku og Applicon í Svíþjóð gekk vel og skilaði góðum hagnaði á árinu. Þessi félög vinna einkum fyrir stærri fyrirtæki og banka í Danmörku og í Svíþjóð og er verkefnastaða þeirra góð. Tap var af rekstri Applicon ehf. á Íslandi, en í fjórða ársfjórði voru gerðar margþættar breytingar á starfsemi félagsins til að styrkja reksturinn. Verulegt tap var af rekstri Dansupport A/S í Danmörku, einkum á fyrri hluta ársins, en með nýjum framkvæmdastjóra var reksturinn endurskipulagður og er að nást jafnvægi í starfsemi félagsins.

Horfur

Rekstrarhorfur hjá fyrirtækjum Nýherja erlendis eru ágætar, verkefnastaða góð og líkur á ágætri afkomu fyrir starfsemina. Tap var á rekstri þriggja dótturfélaga erlendis og því var ákveðið að hætta nýjum þróunarverkefnum og starfsemi óarðbærra rekstrareininga.

Á Íslandi er óvissa um efnahagsþróun meiri en áður hefur þekkt og því vandasamt að segja fyrir um rekstrarárangur. Gripið hefur verið til viðtækra aðgerða til að draga úr kostnaði hjá félaginu og því gert ráð fyrir viðunandi rekstrarafkomu á árinu 2009, þrátt fyrir samdrátt í vörusölu en gert er ráð fyrir meiri stöðugleika í þjónustu.

Nánari upplýsingar

Nánari upplýsingar veitir:

Þórður Sverrisson, forstjóri Nýherja, í síma +354 893 3630.

Nýherji hf

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félag Nýherjasamstæðunnar eru 17 bæði hér heima og erlendis og er heildarfélagið stöðugilda 695. Hlutabréf Nýherja hf. eru skráð í OMX Kauphöll Íslands.

Stjórn Nýherja: Benedikt Jóhannesson, stjórnarformaður, Árni Vilhjálmsson og Guðmundur Jóh. Jónsson. Þórður Sverrisson er forstjóri Nýherja.